

Na osnovu člana 9. stav (1) Pravilnika o vrstama vlastitih javnih prihoda u Federaciji Bosne i Hercegovine („Sl. novine Federacije BiH“, broj: 104/2022), člana 27. stav 1. alineja 6. Zakona o ustanovama („Službeni list RBiH“, broj 6/92, 8/93 i 13/94) i člana 41. Pravila Javne ustanove „Biblioteka Sarajeva“ (broj: 04-19/08 od 2.4.2008. godine, Upravni odbor JU „Biblioteka Sarajeva“, na 28. sjednici održanoj dana 28.8.2023 godine donosi:

PRAVILNIK O KORIŠTENJU VLASTITIH JAVNIH PRIHODA JU „BIBLIOTEKA SARAJEVA“

I OPĆE ODREDBE

Član 1.

(Predmet)

Ovim Pravilnikom uređuju se vrste, način i rokovi raspodjele vlastitih prihoda koje ostvaruje JU „Biblioteka Sarajeva“ (u daljem tekstu Biblioteka), pravni osnov ostvarivanja, namjena i način trošenja vlastitih javnih prihoda.

Član 2.

(Vlastiti prihodi)

Pod vlastitim prihodima Biblioteke podrazumijevaju se prihodi koje Biblioteka ostvari obavljanjem osnovne djelatnosti i ostalih poslova na tržištu.

II KRITERIJ ZA UTVRĐIVANJE I VRSTE VLASTITIH JAVNIH PRIHODA BIBLIOTEKE

Član 3.

(Kriteriji)

- (1) Kriterij za utvrđivanje vlastitih javnih prihoda Biblioteke, u skladu sa članom 4. Pravilnika o vrstama vlastitih javnih prihoda u Federaciji BiH, su da:
 - a) prihod ne spada, u smislu ovog pravilnika, u kategoriju poreza, doprinosa, taksi, naknada i kazni;
 - b) prihod nije kao javni prihod propisan posebnom odredbom u zakonu;
 - c) prihod se ostvaruje obavljanjem aktivnosti na tržištu i u tržišnim uslovima, za aktivnosti koje mogu obavljati i drugi pravni subjekti na tržištu, odnosno ne postoji zakonska isključivost da aktivnost vrši samo određeni pravni subjekt;
 - d) prihod se ostvaruje obavljanjem aktivnosti na tržištu i u tržišnim uslovima od strane subjekta iz člana 2. ovog Pravilnika, a koje aktivnosti mogu obavljati i drugi pravni subjekti na tržištu (ne postoji isključivost za obavljanje aktivnosti), s tim da je ta aktivnost izvan propisom utvrđene osnovne djelatnosti uredene propisima o osnivanju i utvrđivanju djelokruga rada tog subjekta.
- (2) Kriteriji iz stava (1) tač. a), b) i d) ovog člana primjenjuju se na kumulativnoj osnovi za utvrđivanje vlastitih javnih prihoda subjekata iz člana 2. ovog Pravilnika koji su uvršteni u register budžetskih korisnika i koji su definirani kao organi uprave i upravne organizacije prema propisima kojima se isti osnivaju, utvrđuje njihov djelokrug rada, organizacija i funkciranje.

- (3) Kriteriji iz stava (1) tač. a) do c) ovog člana primjenjuju se na kumulativnoj osnovi za utvrđivanje vlastitih javnih prihoda subjekata iz člana 2. ovog Pravilnika koji su uvršteni u registar budžetskih korisnika i nisu obuhvaćeni stavom (2) ovog člana.

Član 4.
(Vlastiti javni prihodi od iznajmljivanja)

Vlastiti javni prihodi Biblioteke od iznajmljivanja, prostora i opreme koji zadovoljava kriterije iz člana 3. ovog Pravilnika, a u skladu sa članom 5. Pravilnika o vrstama vlastitih javnih prihoda u Federaciji BiH, su:

#	Oznaka vrste prihoda	Naziv vlastitog javnog prihoda	Pravni osnov ostvarivanja vlastitih javnih prihoda	Namjena
1.	722642	Vlastiti prihod od iznajmljivanja poslovnih prostora	Ugovori sa dobavljačima, Cjenovnik usluga Biblioteke	Obnova knjižnog fonda, opreme i pratećeg mobilijara kao i za tekuće održavanje opreme i odjeljenja Biblioteke.
2.	722643	Vlastiti prihod od iznajmljivanja drugih nepokretnosti	Ugovori sa dobavljačima, Cjenovnik usluga Biblioteke	Obnova knjižnog fonda, opreme i pratećeg mobilijara kao i za tekuće održavanje opreme i odjeljenja Biblioteke.
3.	722645	Vlastiti prihod od iznajmljivanja opreme	Ugovori sa dobavljačima, Cjenovnik usluga Biblioteke	Obnova knjižnog fonda, opreme i pratećeg mobilijara kao i za tekuće održavanje opreme i odjeljenja Biblioteke.

Pravni osnov ostvarivanja vlastitih javnih prihoda iz stava (1) ovog člana su potpisani ugovori sa zakupoprimcima u skladu sa važećim propisima.

Član 5.
(Vlastiti javni prihodi od prodaje proizvoda, roba i usluga)

Vlastiti javni prihod od prodaje proizvoda, roba i usluga koji zadovoljava kriterije iz člana 3. Pravilnika, a u skladu sa članom 6. Pravilnika o vrstama vlastitih javnih prihoda u Federaciji BiH, su:

#	Oznaka vrste prihoda	Naziv vlastitog javnog prihoda	Pravni osnov ostvarivanja vlastitih javnih prihoda	Namjena
1.	722651	Vlastiti javni prihod od prodaje usluga pristupa i korištenja (članarina)	Cjenovnik usluga Biblioteke, Pravila Biblioteke, Pravilnik o vrstama javnih prihoda u F BiH	Obnova knjižnog fonda, opreme i pratećeg mobilijara kao i za tekuće održavanje opreme i odjeljenja Biblioteke.
2.	722652	Vlastiti javni prihod od realizacije aktivnosti naučno-istraživačkog rada, izrade elaborate, studija, evaluacija, ekspertiza i drugih stručnih usluga (mentorstva, projekti, bibliografije, smjernice, konsultantske / savjetodavne usluge)	Ugovori sa dobavljačima, Cjenovnik usluga Biblioteke	Obnova knjižnog fonda, opreme i pratećeg mobilijara kao i za tekuće održavanje opreme i odjeljenja Biblioteke.
3.	722653	Vlastiti javni prihodi od realizacije stručno-edukativnih aktivnosti i drugih oblika javnog istupanja (seminari, savjetovanja, okrugli stolovi, konferencije, kursevi)	Ugovori sa dobavljačima, Cjenovnik usluga Biblioteke	Obnova knjižnog fonda, opreme i pratećeg mobilijara kao i za tekuće održavanje opreme i odjeljenja Biblioteke.
4.	722654	Vlastiti javni prihod od oglašavanja proizvoda i usluga (reklamno propagandne usluge, marketinške usluge, sponzorstva i pokroviteljstva)	Ugovori sa dobavljačima, Cjenovnik usluga Biblioteke	Obnova knjižnog fonda, opreme i pratećeg mobilijara kao i za tekuće održavanje opreme i odjeljenja Biblioteke.
5.	722655	Vlastiti javni prihod od distribucije i prodaje pisanih, foto i video publikacija i materijala (monografske i periodične/serijske publikacije, audio-vizuelna građa)	Ugovori sa dobavljačima, Cjenovnik usluga Biblioteke	Obnova knjižnog fonda, opreme i pratećeg mobilijara kao i za tekuće održavanje opreme i odjeljenja Biblioteke.

Pravni osnov ostvarivanja vlastitih javnih prihoda iz stava (1) ovog člana je Cjenovnik o korištenju usluga JU „Biblioteka Sarajeva“ i potpisani ugovori o saradnji o pružanju marketinških usluga, potpisani ugovori o sponzorstvu/pokroviteljstvu.

Član 6. (Vlastiti javni prihod od ostalih aktivnosti)

Vlastiti javni prihod od ostalih aktivnosti koji zadovoljava kriterije iz člana 3. Pravilnika, a u skladu sa članom 6. Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda	Pravni osnov ostvarivanja vlastitih javnih prihoda	Namjena
1.	722659	Vlastiti javni prihod od ostalih aktivnosti (naknada troškova za organiziranje gostujućih izložbi i ustupanje prava za korištenje reprodukcija, publikacija i fotografija u vlasništvu Biblioteke i dr.)	Ugovori o poslovnoj saradnji, Cjenovnik usluga Biblioteke,	

Pravni osnovi ostvarivanja vlastitih javnih prihoda iz stava (1) ovog člana su potpisani sporazumi i ugovor o organiziranju izložbi srodnih institucija iz zemlje i inostranstva ili ustupanje prava za korištenje bibliotečke građe u vlasništvu Biblioteke.

III PLAĆANJE, USLOVI, NACIN I ROKOVI RASPODJELE VLASTITIH JAVNIH PRIHODA

Član 7.

(Planiranje i namjena vlastitih javnih prihoda)

- (1) Planiranje i raspolažanje vlastitim javnim prihodima, kao i nadzor nad istim vrši se u skladu sa Zakonom o budžetima Federacije Bosne i Hercegovine ("Službene novine Federacije BiH", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25/22), propisima koji uređuju Računovodstvene politike Biblioteke, propisima koji uređuju način plaćanja i trošenja vlastitih javnih prihoda i ovim Pravilnikom.
- (2) Vlastiti javni prihodi Biblioteke planiraju se kroz Plan budžeta Biblioteke i izmjene i dopune budžeta Biblioteke.
- (3) Na osnovu planiranih vlastitih javnih prihoda iz čl. 4., 5. i 6..ovog Pravilnika, planirat će se i rashodi i kapitalni izdaci.
- (4) Vlastiti javni prihodi iz čl. 4., 5. i 6..ovog Pravilnika, koristit će se prioritetno za pokriće izdataka (rashoda) nastalih obavljanjem poslova iz kojih proizilaze ti prihodi, a ostatak će se raspoređivati na tekuće i kapitalne izdatke.

Član 8.

(Raspolažanje vlastitim javnim prihodima)

- (1) Biblioteka raspolaže sa ostvarenim vlastitim javnim prihodima u skladu sa članom 14. Zakona o izvršavanju budžeta Kantona Sarajevo za 2023. godinu („Sl. novine KS“, broj: 15/23) i ovim Pravilnikom.
- (2) Biblioteka može koristiti vlastite javne prihode prema izvještaju Ministarstva finansija KS koji se Biblioteci dostavlja do 15. u mjesecu za prethodni mjesec.
- (3) Vlastiti javni prihodi koji nisu planirani u Budžetu, a koji se ostvare u toku godine ili se ostvare u većem iznosu od plana u Budžetu, na prijedlog Biblioteke unosit će se i raspoređivat odlukom Vlade i postaju sastavni dio Budžeta.

IV NAČIN UPPLATE I TROŠENJA VLASTITIH JAVNIH PRIHODA

Član 9.

(Uplata, trošenje i korištenje vlastitih javnih prihoda)

- (1) Vlastiti javni prihodi Biblioteke uplaćuju se na depozitni račun Budžeta Kantona Sarajevo.
- (2) Vlastiti javni prihodi Biblioteke mogu se naplaćivati i u gotovini.
- (3) Biblioteka je odgovorna za potpuno i pravovremeno uplaćivanje vlastitih javnih prihoda na depozitni račun.
- (4) Biblioteka je dužna vlastite prihode ostvarene u gotovini uplatiti na depozitni račun i to najkasnije narednog dana od dana naplate istih, a naplaćena gotovina se ne može koristiti za izmirenje tekućih obaveza.
- (5) Vlastiti javni prihodi Biblioteke moraju se utrošiti do kraja budžetske godine, a neutrošeni dio vlastitih javnih prihoda postaje javni prihod Budžeta Kantona Sarajevo naredne godine.
- (6) Vlastiti prihodi Biblioteke namjenski će se koristiti za obnovu knjižnog fonda, opreme i pratećeg mobilijara kao i za tekuće održavanje opreme i odjeljenja Biblioteke.

Član 10.

(Raspoređivanje ostvarenih i naplaćenih vlastitih prihoda)

Biblioteka je dužna da ostvarene i naplaćene vlastite prihode rasporedi na rashode u finansijskim mjesecnim planovima izvršavanja Budžeta.

V ZAVRŠNE ODREDBE

Član 11.

(Izmjene i dopune)

Izmjene i dopune ovog Pravilnika vrše se na način i po postupku predviđenog za njegovo donošenje.

Član 12.

(Stupanje na snagu)

- (1) Ovaj Pravilnik stupa na snagu usvajanjem od strane Upravnog odbora i dobijanja pozitivnog mišljenja od strane Ministarstva finansija KS, uz saglasnost Vlade Kantona Sarajevo, a primjenjivat će se od 01.01.2024. godine.
- (2) Pravilnik će se objaviti na web stranici Biblioteke, oglasnoj ploči Biblioteke i u „Službenim novinama Kantona Sarajevo“.

Broj: 01-1-1185/23
Sarajevo, 28. 8. 2023.

Predsjednica Upravnog odbora
Javne ustanove „Biblioteka Sarajeva“

